



## **ORDENANZA Nº 42:**

# **ORDENANZA REGULADORA DOS PREZOS PÚBLICOS POLA PRESTACIÓN DO SERVIZO DE ORGANIZACIÓN DE ESPECTÁCULOS, ALUGUER DE INSTALACIÓNS PARA ESTES, XESTIÓN INTEGRAL DE RSU DE CONSTRUCCIÓN E DEMOLICIÓ DE DOMICILIARIOS, DEPOSITADOS EN SACOS NA VÍA PÚBLICA E PARTICIPACIÓN NOUTRAS ACTIVIDADES OU PROGRAMAS**

**—2019—**



## ARTIGO 1.- CONCEPTO

Serán obxecto destes prezos públicos os espectáculos organizados polo Concello, aluguer do Auditorio Municipal, xestión integral de sacos con Residuos Sólidos Urbanos procedentes de pequenas obras de demolición e construción realizadas en domicilios particulares e outros servizos ou programas de carácter voluntario.

## ARTIGO 2.- OBRIGADOS Ó PAGAMENTO

Serán obrigados ao pagamento destes prezos públicos os asistentes aos espectáculos, arrendatarios e ou usuarios dos servizos e programas a que se refire o artigo 1.

## ARTIGO 3.- CONTÍA

As tarifas destes prezos serán as seguintes:

1. Entradas a espectáculos. mínimo 2 €

Se o custo de organización de espectáculo fose extraordinario, poderán incrementarse as tarifas relacionadas anteriormente en contía que non supere o custo calculado en base á ocupación total das localidades, previa presentación da correspondente xustificación de gastos na Intervención Xeral e posterior aprobación da Xunta de Goberno.

De existiren ciclos de programación homoxéneos, poderán establecerse abonos para cada un deles, por importe total dos prezos anteriores reducidos nun máximo do 30%. Existirán localidades con redución do trinta por cento para menores de vintecinco anos. As dúas reducións anteriores serán incompatibles.

2. Actividades complementarias ás visitas a Vigo-Zoo:

Para determinar o importe do custe unitario destas actividades, dividirase o custe total do programa ou actividade entre o número de prazas. Este informe económico farase constar no expediente de aprobación do citado programa ou actividade.

3. Aluguer do Auditorio Municipal:

3.1. Tarifa xeral de utilización de dependencias.

- Auditorio:

a) Tarifa mínima, ata media xornada (4 horas)	320 €
b) Por cada xornada completa.	600 €

- Vestíbulo:

a) Tarifa mínima, ata media xornada (4 horas)	150 €
b) Por cada xornada completa.	250 €

3.2 Tarifa por montaxe e desmontaxe:

a) Tarifa mínima, ata media xornada (4 horas)	200 €
b) Por cada xornada completa.	575 €

4. Servizo de xestión integral de RSU de construción e demolición domiciliarios depositados en sacos na vía pública:

Servizo A con ocupación de dominio público por un máximo de 3 días	37,00 €
Servizo B con ocupación de dominio público por un máximo de 6 días	51,00 €



Igualmente, teñen a condición de prezos públicos as achegas que realizan os participantes noutros programas do Concello, en contía variable segundo niveis de renda familiar, idades dos participantes e outros parámetros que, directa ou indirectamente poñen de manifesto a capacidade económica familiar. A contía destes prezos públicos poderá ser 0 euros para aqueles participantes con niveis de renda similares aos mínimos exentos nas taxas do Concello. As restantes contías determinaranse, en cada convocatoria, segundo o nivel de renda. En ningún caso, o prezo público a satisfacer superará o custe unitario do servizo ou programa.

#### ARTIGO 4.- OBRIGA DE PAGAMENTO

Satisfaranse os prezos públicos regulados nesta Ordenanza no momento de retirar os tickets de entrada aos espectáculos, no momento de solicitar os servizos voluntarios de VigoZoo, ou no momento de solicitar o aluguer do Auditorio así como no momento da adquisición do saco para depositar RSU de obras domiciliarias.

#### DISPOSICIÓN FINAL

Esta Ordenanza entrará o día seguinte da súa publicación no Boletín Oficial da Provincia, e comezará a aplicarse o 1 de xaneiro de 2018, permanecendo vixente en tanto non se acorde a súa modificación ou derogación expresas.

No caso do novo servizo de Xestión integral de Sacos con RSU procedentes de obras de construción e demolición domiciliarias, comezará a aplicarse o prezo público sinalado na tarifa 4 do artigo 3 no momento da implantación do servizo.

PUBLICACIÓNS B.O.P.: 30 DE DECEMBRO DE 1991  
30 DE DECEMBRO DE 2003  
21 DE DECEMBRO DE 2012  
7 DE DECEMBRO DE 2017